

Q. D. B. V.  
DISSERTATIO INAUGURALIS MEDICA  
DE  
EMORRHOIDIBUS SYMPTO-  
MATICIS ET PERNICIOSIS,

Q V A M,  
AUSPICE DEO PROPITIO,  
*Et Consensu atque Auctoritate Gratiſſe Facultatis Medicæ*  
IN ALMA REGIA FRIDERICIANA,

P R Æ S I D E  
PRORECTORE MAGNIFICO

N. D. MICHAELE ALBERTI.

CR. MAJ. REG. BORUSSIÆ AULICO ET CONSISTORII MAGDEBURG.  
CONSILIARIO, MEDIC. ET PHILOS. NATURALIS PROFESSORE PUBLICO  
ORDINARIO, ACAD. NAT. CUR. COLLEGA, SOCIET. REG.  
BEROL. SCIENT. SODALI, ETC.

FACULTATIS MEDICÆ DECANO SPECTATISSIMO,  
*Domino Patrono, ac Promotore suo, omni honoris cultu prosequendo,*

P R O L I C E N T I A  
SUMMISQUE IN MEDICINA HONORIBUS ET PRIVILEGIIS  
DOCTORALIBUS LEGITIME IMPETRANDIS,  
HONORIS LOCOQUE CONSVETIS,

ANNO MDCCXXVI. D. AUGUST.

PUBLICAE AC PLACIDAE ERUDITORUM VENTILATIONI SUBJICIET  
R E S P O N D E N S

FRIEDERICUS RUDOLPHUS HEIDEGGERUS,  
NAUMBURGENS. MISN. ET PRO TEMPORE PRACTICUS LAUCHENSIS,





22

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY







## PROOEMIUM.

**I**Er deplorandum hominum lapsum universa natura suam perdidit perfectionem, ob id naturalis vita humana cum fragilitate & corruptibilitate imprægnata & circumducta est, & incorruptibilitas ac immortalitas induit corruptibile & mortale, quare in redintegratione naturæ oportet corruptibile hoc induere incorruptibilitatem & mortale immortalitatem. *1. Cor. 15. v. 53. 54.* Etenim in statu integritatis nulla causa naturalis æquivoca fuit, sed simplici & solitarie bona qualitate erat prædita: *nam vidit DEUS omne quod fecit & ecce bonum erat valde Gen. 1. v. ult.* In ipso homine successerunt in & egestionem, ast sine molestia, neque tum excernebantur impura, quia nihil erat impurum: hinc singulæ hæ evacuationes in optimo consistebant ordine & cum omnimoda hominis

A 2

minis



minis succedebant delectatione: Sed quam mutati ab illo nunc sunt statu miseri homines, dum in naturali vita res jam ita sunt constitutæ, ut quæ in priori statu corporis durationem & confirmationem adjuvabant, illa nunc illius interitum promoveant & accelerent: interim divina clementia tale hisce rebus disposuit moderamen, ut quæ circumstantiæ hominis corpori inimicæ esse possunt, eædem illius salutem promovere debeant: hujus asserti multa documenta & exempla produci possunt, sed placet tantum pro necessaria illustratione & demonstratione aliqua allegare: videlicet aëris usus ad œconomiam vitalem haud est exiguus, quare præeunte *Hippocrate*, qui de *Aere, aquis, locis & Regionibus* tractavit, alii salubritatem & insalubritatem aëris pro differentia anni, temporum, tempestatum & locorum inquisiverunt & annotatunt: quod vero optimus cæteroquin aër ad resolutionem & destructionem mixtionis corporis contribuat, probatu haud difficile est, quemadmodum aër quoad materiale suam subtilitatem & indefinentem motum elasticum ac intestinum facilius & usitatus ad quorumlibet corporum mutationem in deterius, i. e. dissolutionem, quam conservationem disponit. Ita aqueum principium multiplices in processu vitæ animalis habet utilitates, quæ ipsa aqua vero vicissim aptissimum & efficacissimum ad suspectas fibrarum motricium relaxationes, nec non ad fermentativum & putrefactorium motum subministrat instrumentum, quod unita & naturali vi cum aëre tanto citius perni-



perniciosos tales effectus causari potest & solet: Principium materiale sulphureum larga quantitate universis gelatinosis inest humoribus, nec non sanguinem ipsum constituere adjuvat, sed subinde ad pessimas corruptiones provocandas, inducendas & sustentandas idoneum est: Gelatinosa sanguinis consistentia ad regularem motum fluiditatis admodum est necessaria, sed quis non facile mente assequitur, quod eadem consistentia ad inferendas perniciosissimas stases in capillaribus vasculis sanguiferis valde sit apta, imo si totum corpus vasculosum & universalis anastomosis vera esset, etiam ex necessitate physico - mechanica tale periculosum accidens fieri debeat! Ipse celebris sanguinis circulus, sub reliquis suis utilitatibus inevitabili & indefinente effectu sanguinis laudabilem mixtionem denuo destruere adjuvat: sic porro ingesta optimæ qualitatis tandem in pessima immutantur recrementa: vicissim motus intestinalis, licet varia connexa teneat detrimenta, tamen subinde satis dignos usus affert: Bilis quoad palmariam suam relationem corpori vivo perquam est inimica, ut propterea constanter excernatur, tamen sub via & excretionis successu non exiguas præbet utilitates: ita excretionibus præcipue vita hominibus firmatur & confirmatur, sed ob multas excretiones iterum novæ ingestiones necessariae sunt: enimvero quia ingesta non primam servant puritatem, sed facile præjudiciosam assument qualitatem, hinc congruæ in œconomia vitali requiruntur excretiones & hæ iterum convenientes in-

A 3

ferunt



ferunt ingestiones i. e. destructarum laudabilium substantiarum novas reparationes: Cum præmissa meditatione quadantenus parallela alia convenit observatio, quando nonnulla media, certis qualitatibus prædita, modo corporis durationem promonent, modo vero vicissim invertunt: & quemadmodum in moralibus anima unam eandemque facultatem nunc ad bonum, alibi ad malum finem dirigere potest, ita in vitali functionum foro & choro simile quid a natura, licet non æque indiscriminatim quoad prævum effectum & eventum cum proæresi, committi solet: Ut ex multis unicum tantum specimen, præsentì considerationi conforme, proferamus, provocamus hoc loco ad ominosum illum Hæmorrhoidalem fluxum, qui jam laudatur ab his, mox culpatur ab illis, hinc generali ferme dicterio de eodem *Aëtius* rigorosum illud fert iudicium *tetrabibl. 3. serm. 2. cap. 5.* quando eloquitur: *Hæmorrhoides deformitatem & vitam miseram inducunt:* neque multis testimoniis practicis destitutam esse artem Medicam res ipsa loquitur, quibus hujus fluxus perniciosus status & decursus confirmari posset, utut vicissim multa specimina Hæmorrhoidum salubritatem confirmant: hinc forte in foro Medico difficile & salebrosus esset negotium, selectum verum inutilium & perniciosarum Hæmorrhoidum scrutinium instituendi: non quidem jam illos audiendos esse existimamus, qui sine discrimine talem fluxum contemnunt & condemnant; interim & illi a via recti discedere nobis videntur, qui promiscue Hæ-

mor-



morrhoides salutare esse debere, judicant: ob id triplex Hæmorrhoidum status judicioso Medico facile innotescit, primo, quando in quibusdam subjectis hæc Hæmorrhagiæ species variis signis & testimoniis suam salubritatem probat: hinc Galenus in *Libr. de Cur. per Sangv. Miss. advers. Erasistr. cap. 5.* dicit: quod Hæmorrhoides hominem servant, addita 3. de hum. & 6. de morb. vulg. com. 3. ratione, quia per illas supervacui expurgantur humores: propterea illis tam singulares & fonticæ connexæ sunt qualitates, dum à quibusdam criticarum Hæmorrhoidum mentio occurrit *conf. Frommannus de Hæmorrhoidibus Part. 1. Probl. 2. p. 12. Franckenau Satyr. Med. p. 438. 439.* qui ad Galenum provocat *lib. 3. de cris. cap. ult.* ab aliis velut *Fonsæa Consult. 27.* Hæmorrhoidum Endemiarum memoria producitur *vid. Frommannus l. c. probl. 37. p. 167.* ita *Schenckius* ubi de Hæmorrhoidibus agit, & *Solenander Lib. 4. conf. 20.* Hæmorrhoidum certis familiis usitatarum reminiscuntur: porro dantur Hæmorrhoides hæreditariæ *vid. Frommannus l. c. probl. 2. 38. & part. 2. probl. 4. p. 229. Franckenau dissert. de Hæmorrhoid. & in Satyr. Med. p. 456.* occurrunt etiam Menstruæ hæmorrhoides *vid. Frommannus Part. 1. probl. 25. p. 116. Franckenau l. c. p. 456. A. N. C. dec. jan. 2. obs. 192. an. 4. obs. 44. an. 10. obs. 134.* Deinde in quibusdam personis hæc aperta hæmorrhoidalis fluxus utilitas plane deficit, quare citatus *Frommannus Part. 1. probl. 48. p. 199.* de incommodis malefici Hæmorrhoidum status differit: Denique in aliquibus individuis Hæmorrhoides utiles quidem sunt, si succedunt,



dunt, & perniciosæ si deficiunt, attamen suo successu variis cum molestiis stipatæ: Quo itaque salubrium & insalubrium Hæmorrhoidum indoles magis inclarescat, (sicut illi nobis mediam & regiam viam tenere videntur, qui hanc differentiam probe advertunt *conf. Petrus in Nosol. Harm. diff. 32. §. 6. seq. Gabelchoverus Cent. 3. curat. 22. annot. p. 37.*) constituimus cum DEO peculiari Dissertatione Inaugurali de *Hæmorrhoidibus symptomaticis & perniciosis* agere; cui proposito ut gratia divina affulgeat, idque exoptato & prospero successu promoveat & allevet, est quod in ingressu nostri præsentis conatus humillime precamur.

§. I.

**D**octrina de Hæmorrhoidibus ita *ampla* est, ut perpetuo aut notatu dignæ observationes de hoc sanguinis fluxu innotescant, aut *singulares* & speciales considerationes in disquisitione hujus Hæmorrhagiæ animum occupent, quare in præsentiarum hoc thema de *Hæmorrhoidibus symptomaticis & perniciosis* perpendendum & explicandum selegimus: & quamvis D. D. Præses negotium Hæmorrhoidale, quoad *principales* respectus peculiari commendaverit studio & tractatu, tamen hanc doctrinam adhuc *nonnullis* argumentis illustrare & augere liberum imo etiam fructuosum erit: Ne itaque aliqui præcipiti minusve sobrio & prospero existiment iudicio, quasi omnes motus *insoliti*, in *abdominis* intraneis æque ac extraneis regionibus & confiniis obtingentes, ad *Hæmorrhoidum* eruptionem tendant, aut quasi hic sanguineus fluxus, *promiscue* eveniens, etiam indiscriminatim *utilis* adeoque toleran-



lerandus & promovendus sit: etenim in hoc *delicato & intricato* negotio non raro gravis committitur error, quando *temerario & cæco* quodam ausu, sub spe obtinendæ & restituendæ *sanitatis*, promiscue & impetuose Hæmorrhoides *impelluntur*: Quam incongruum nec ulla digna & solida excusatione defendendum esset conamen, quo quis in *singulis* hominibus hæmorrhoidalem fluxum prosequi vellet, quia hic in *nonnullis salubris* deprehensus fuit, ita perinde fallax, nec *ulla fide* dignum esset iudicium, quando *omnes* naturæ conatus *hæmorrhoidales* tanquam *utiles* & ipso suo schemate ac successu salutares declararentur, dum *erroneæ* naturæ actiones haud sunt infrequentes: Quid quod in genere illa notatu digna observatio & differentia attendenda est, quando *intrinsecus directo* quodam motu congestorio, ad *hæmorrhoidalia* loca concentrato, & ita in relatione ad *scopum effundendi* aut simpliciter *superflui*, aut conjuncti *spissi* sanguinis *active*, hæc Hæmorrhagia perficitur, aut quando a nimia harum *viarum laxitate* & atonia, sanguis in hisce locis per extima vasculorum sanguiferorum ostiola *eructat*, adeoque in hoc schemate ob nudam *continuitatis læsionem passive* effluit; aut quando *natura* humana in *eximia* suæ œconomix vitalis *perturbatione* varia etiam *asyla* aut refugia quærit & sub eminenti tandem *anomaliam* hanc *specialem* evacuationem, sive reliquo afflictionis statui consona & congrua fuerit, sive minus, perficit, quæ vero sub prædictis qualitatibus *æque minus* aliquam opem, ac mediæ conditionis hæmorrhoidalis fluxus, affert. Et licet aliquando *primæ* destinationes hæmorrhoidales ob multiplices respectus *salubritati* alicui respondere quæant, tamen in *ulteriori* processu multifariæ vicissim *declinationes* occurrere possunt, quæ totum hoc opus perquam *suspectum* reddere possunt, ut neque huic *impellendo*, neque *repellendo* medicus prudens curam adhibere,



re, sed ubique *caute* procedere debeat; hinc illi, qui hæmorrhoidale negotium non *exacte* perspectum habent, non temere *illotas* illi imminisceant manus, neque Empiricorum more *immoderate* hunc fluxum *cogere*, aut *temere suppressere* cogitent: Quam ob rem in genere sciendum est, quod *non omnes* motus & fluxus hæmorrhoidales aut *salubres*, aut *insalubres* existant, ut & quod *salutaris* Hæmorrhoidum successus multum nitatur *opportunitate* temporis. Utut vero Hæmorrhoides, aut in *defectu*, aut in *excessu*, aut in *ordine* ac *modo* peccantes, facile *contrariam* suam indolem produnt, tamen adhuc *aliæ* qualitates *minus* prosperum illarum successum comitari solent, quas curatori animo indagare convenit, ut ex *opposito* veritas in hac doctrina tanto magis elucescat: neque *perito* artifici incognitum esse potest, quod *coactus* talis fluxus multis subjectus sit & *molestiis* & plane *damnis*: inde est cur in multis *provinciis* ac locis haud singularia *encomia* de hæmorrhoidali negotio proferri queant: ita enim *Misniæ* incolæ & *Alfatæ* inhabitatores a *vino* suo *recenti*, valde massam sanguinis *impellente*, *Silesii* ab abusu vini *Hungarici*, aut genuini aut artefacti, *Hungari* ab *immodica* & *improvida* sui *vini* ingestione, *Italia* a *vino* suo spirituosiori & frequenti orvietani usu, *Angli*, *Patavii*, *Hamburgenses*, *Francofurtenses* a copioso usu *Aloëticorum* remediorum, *Judei* a liberali, *ceparum*, *allii* & *porri* comestione &c. valde *molestas* & *ominosas* hæmorrhoidales experiuntur afflictiones, quales *inimicas* qualitates *Veteres Medici Furentium* Hæmorrhoidum nomine denotarunt: Quibus ipsis in genere differentiam Hæmorrhoidum *genuinarum* & *utilium*, nec non *suspectarum* & *morbosarum* quadantenus indicare placuit.

§. II.

Generalis hæc consideratio quo magis inclarescat, proxime proponenda *thematis præsentis* explicatione erit



erit illustranda: Agendum itaque erit de Hæmorrhoidibus *symptomaticis* & *perniciosis*: haud vero necessarium esse judicamus, ut in *nominum* explicatione occupationem impendamus, cum vel paululum rerum medicarum gnaro, incognitum esse haud possit, quid *Hæmorrhoidum* & quid *Symptomatis* notio inferat ac denotet: quare potius indicamus, quod in *quibusdam* subjectis motus & fluxus *hæmorrhoidalis* ipsum *principalem* constituat affectum, quo natura interdum *directe* & *proxime* contendit: aliquando vero *aliis præcedentibus* morborum afflictionibus, velut *symptoma* supervenit, eosque aut *mitigat*, aut *exacerbat* & deteriorat; quare *non omnes* Hæmorrhoides *symptomaticæ* sunt *perniciosæ*, hinc Hippocrates indicavit, quod eadem *insaniam* tollant & experientia proinde comprobatur, quod *aliquando* congruus fluxus hæmorrhoidalis *hypochondriacis*, *scorbuticis*, *spleneticis*, *hystericis* &c. proficius existat, id quod variis locis abunde monstravit D.D. Præses in tract. de Hæmorrhoidibus: Dantur vero etiam Hæmorrhoides, quæ non sunt *Symptomaticæ* & tamen *exitiosæ*, licet etiam *non penitus* quædam *symptomaticæ* ab omni periculo & pernicie liberæ existant: Proinde varii Medici universum negotium hæmorrhoidale pro *symptomate* aut *excretorum*, aut *actionis læsæ* habent; conf. Franckenau diff. de Hæmorrhoidibus & in Satyr. Med. p. 438. n. 4. Valeus Med. Pract. cap. 18. Interim neque incognita est multis medicis usitata Hæmorrhoidum *differentia* inter *Criticas* & *Symptomaticas*, quas *priores* mirifice extollunt & commendant, *posteriores* vicissim acerrime *prosequuntur* & condemnant: Nos in hanc litem haud ingredi malumus, sed pro præsentis instituto & officio generice quidem *symptomaticas* tales eructationes hæmorrhoidales annotabimus, seorsim vero & *principaliori* respectu *illas* *Symptomaticas* explicabimus, quæ simul aperte & evidenter sunt *perniciosæ*, præ-



terea etiam magis ad *fluxum*, quam ad *remotiorem* conatum, motum & *apparatum* hæmorrhoidalem animum advertemus; sed dum non raro in recognitione *verorum* & genuinorum motuum & conatum hæmorrhoidalium ingens committitur *error*, ob id nonnullas observationes & animadversiones quoad hanc disquisitionem inferere placet; utut enim hypochondriaci in hæmorrhoides perquam inclinant, *vid. Frommannus Part. I. probl. 31. 32. Franckenau l. c. p. 431. 447.* quare *Riverius in Praxi* hæmorrhoidum apertionem in mali hypochondriaci cura laudat, tamen *non omnes spasmi* in hypochondriis *directum* molimen hæmorrhoidale constituent, neque Hæmorrhoidum apertio *spontanea* diræ *Spasmodum* efficaciam adscribi potest, quoniam longe *facilius* in *intimiori* spasmodum sede *vascula tenerrima* & *membranae tenues* per *necessitatem physico-mechanicam* disrumpi & *dilacerari* deberent, quod *posterius* tamen *haud* contigit, unde prior ratio sua certitudine vacillat: exinde vero id colligimus, judicamus & indicamus, quod *non quaelibet* sensationes *tensoriae* *Hæmorrhoidum* expulsionem concernant, quæ verius aliquando *stagnantis sanguinis promotionem*, *impactorum scybalorum translationem*, *bilis acrioris* in intestinis fluctuantis profligationem, *flatuum* exonerationem & varia adhuc alia *adversa* objecta attinent: neque *promiscue* omnis *ardor* & *pruritus* in ano *hæmorrhoidales* prodit motus, siquidem *scybala biliosa* aliaque *acriora* vias illas tali modo irritare possunt, uti similis afflictio non raro in *infantibus* & *verminosis* subjectis observatur, neque etiam ita *promiscue* *tractiones* in *inferiori* dorso & *coccygis* regione cum *hæmorrhoidali* apparatu *confundi* debent, licet *vera* & *actualia* molimina hæmorrhoidalia interdum etiam tales *spasmos* complectantur; interim homines *vagis arthriticis*, *nephriticisque* affectibus laborantes, neque ad *Hæmorrhoides* suscipiendas dispositi, *similibus* vexantur *spasmodi-*



modicis molestiis ac fensationibus: ob id in agnoscendis *veris* conatibus hæmorrhoidalibus iudicio opus est, ut omnes circumstantiæ ex *genuina* hæmorrhoidalis negotii historia attento animo concilientur, neque *obtorto* collo corradantur, *subjectorum* præcipue qualitates provide perpendantur & subinde caute *equivoca* signa, quæ æque facile ad *alterius* morbi schema referri possunt, dijudicentur ad quem affectum eadem majori jure applicari debeant: caveant etiam circumspecti medici, ne *tenaci* animo *præsupponant*, aut vicissim *levi* iudicio *præsumant*. Hæmorrhoides, quasi hoc Schema tale negotium hæmorrhoidale esse debeat, quia hæmorrhoidaria subiecta nonnulla horum signorum etiam experiri solent: hisce itaque præmonitis ac præmissis facilius deinde patebit via ad æquius & verius iudicium de *fructuosis* aut *perniciosis* Hæmorrhoidibus.

§. III.

Sed nunc ad *Symptomaticarum* Hæmorrhoidum *Historicam* commemorationem nos convertimus, inter quas *quedam*, *salutares*, aliæ vero *præjudiciosæ* imo aliquando plane *funestæ* existunt: Quare interdum hic fluxus in affectu *Hypochondriaco* perrumpit & quidem tunc cum *euphoria*, si hoc *mature* contingit & moderate procedit; hinc *Hæchstetterus obs. med. p. 570.* illum fluxum in *hypochondriacis* valde extollit; & quod hæmorrhoides reseatæ insignem dolorem dorsi in hypochondriaco curaverint testantur *Casp. Rejes. Camp. Elys. quæst. juc. qv. 73. p. 977. 980. Salmuth. Cent. 1. obs. 46. conf. tr. D. D. Præsidis* ubi de Hæmorrhoidibus *medicina mali hypochondriaci* disserit: *vid. Raymund. Joh. Fortis Consult. & respons. med. Cent. 3. cas. 1. p. 251. Tom. I & Tom. II. Cent. 3. cas. XI p. 328.* *dysphoriam* vicissim ille fluxus affert, si *tardius*, *impeditius*, *inordinatius*, *parcius* aut *ultra modum largius* eructat, si *nimis diu* durat, si *nimis frequenter* recurrit, aut si *simul & semel* restitat, si multos



affectus *spasmodicos* pedissequos habet, si *confuse* repetit, si cum suspecta *alvi strictura* alternat, si sub gravi *virium* dejectione erumpit & effluit, si simul sub prædictis circumstantiis *fætidum* valde sanguinem eructavit, si tandem in hac affectione oritur, quando omnia symptomata ad *summum* devenere gradum, quando *perverse* & confusæ medicationes adhibitæ, maxime quando multa *adstringentia* aut suspecta *narcotica* medicamina usurpata fuerant, quando jam contumax viscerum *induratio* occupavit, quando functiones *naturales* valde sunt debilitatæ &c. tunc facile tandem ob *incongruum* hunc symptomaticum fluxum in *deteriorem* conjicitur & præcipitatur statum tota reliqua morbosa afflictio, sicut *Franc. Hildesheim Spicileg. 2. de cap. morb. p. 242.* talem casum de *marcie* corporis ex ejusmodi *fluxu copioso* symptomatico in affectu *Hypochondriaco* orta, profert. Porro Hæmorrhoides aliquando in *Scorbuto* symptomatice occurrere solent, de quibus *eadem* valet Censura, quæ modo in præcedente affectu fuit proposita: quando itaque Hæmorrhoides in illo scorbutico morbo, adhuc tamen *mitiori*, *libere* & *facile* erumpunt, simulque *moderate* procedunt, ut & *congruo* iterum tempore *modice* repetunt, bonum omnino afferunt auxilium; quare Hæmorrhoidum aperitionem in *Scorbuto* commendat *Tim. a Guldenkleee Lib. 3. cas. 34.* Quando vero nunc *Scorbutus* est *consummatus*, inveteratus, *multis* pathematibus accumulatus, variis & *discrepantibus* methodis & medicaminibus tractatus, ad summum ferme gradum *exacerbatus*, cum multa *virium* privatione stipatus, cum nobilium viscerum *induratione* complicatus, cum *tabida* corporis afflictione deterioratus, cum gravissimo *motuum* vitio aut defectivo aut excessivo depravatus, cum ordinariorum & necessariarum *evacuationum* pertinaci & diuturna *perturbatione* sustentatus, aut cum longinqua & tenaci Hæmorrhoidum *sup-*  
pres-



*pressione* educatus &c. tunc *serius* tandem erumpens hic fluxus *perniciosus* est, quomocunque ipse constitutus fuerit: tanto certius & citius vero hanc *perniciem* introducet, quo *majoribus* ipse accumulatus erit *anomalicis* qualitatibus. Et quoniam cum hypochondriaca, imo aliquando Scorbutica affectione *Melancholia* concurrit, ita plurimi Medici *hemorrhoidalem* fluxum in hoc malo, vel sponte evenientem, vel arte legitime provocatum, perquam laudant, e quibus hoc loco Hippocrat. Sect. 6. aph. ii. Galenum Comment. 6. Epid. 5. ubi dicit: *Melancholiam per Hemorrhoides levare conspicuum est.* Raym. Joh. Fortis Consult. & respons. Med. Tom. I. p. 283. & Tom. II. Cent. 3. cas. ii. p. 328. ut & Ricardum Carr in Epistolis Medicis Epist. X. Frommannum Part. I. problem. 47. p. 197. & Part. II. probl. 36. p. 434. allegare lubet: quemadmodum vero hic fluxus perinde in hoc affectu *symptomaticus* est, tamen & ipse *inopportune* obtingens, *eminentia* sua affert *damna*: quando enim *serius* erumpit, aut *difficilius* succedit, aut *defective*, aut *excessive* procedit aut post primum successum mox iterum tenaciter *subsistit*, aut quando pathemata non modo *accumulata*, sed & *inveterata* & magno ac pertinaci gradu *adaucta* fuerunt, aut si ipsum delirium melancholicum jam in *acerbiorem* accrevit gradum, vel si jam *obfirmata* & periculosa viscerum abdominis *indurationes* sunt conjunctae, si simul *vires* valde sunt prostratae, totus vero affectus in *corruptum* & *confusum* degeneravit statum, tunc ut plurimum *sinistrum* exserit effectum & praedictas morbi qualitates magis *auget*, quam minuit: quare exempla prostant quibus hujus fluxus symptomatici noxa satis evidenter demonstrari potest: dum non aequè semper culpa in defectu, aut excessu, sed potius in *inopportuno* successu haeret; sicut ita *omnium* auxiliorum *salubris* efficacia in ordine naturali opportuna & congrua obtinetur & promovetur ordinatione, ita experientiae medicæ



dicæ admodum adversaretur, si *promiscue* Hæmorrhoides in Melancholia encomiis exornarentur: ita Gabelchoverus Cent. 1. cur. 65. minus salutaris fluxus hæmorrhoidalis in Melancholia hypochondriaca mentionem facit: Quod hæcenus de Symptomatico Hæmorrhoidum fluxu in Melancholia dictum fuit, id etiam valet de ejusdem eruptione in *Mania*, aliaque insanie specie; in quali amentia iterum haud *promiscue* hæc sanguinis profusio tanquam *infallibilis* medicina celebrari potest.

§. IV.

Præter hæcenus commemorata symptomaticarum Hæmorrhoidum *utilium* & *perniciosarum* specimina adhuc multa alia observationi nostræ se subjiciunt; & ita porro evenit, ut *Mensium suppressionem* & morbos inde ortos aliquando *symptomatica* ratione Hæmorrhoides excipiant, qualem *vicarium* fluxum multi medici ad *Hippocratis* imitationem non modo probant & commendant, sed & ad *imitationem spontaneæ* hujus purgationis subsidiariæ in illis morborum afflictionibus Hæmorrhoidum apertionem perquam laudant, ut Zac. Lusitanus Prax. admir. lib. 1. obs. 28. Rolfinck. lib. 2. consult. 8. Raym. lob. Fortis consult. & respons. Cent. 1. cas. 100. p. 123. Cent. 1. cas. 22. p. 274. & Tom. II. Cent. 1. cas. 53. p. 87. ( in quo loco etiam author addit, in quibus casibus non conveniat, sub Mensium suppressione hæmorrhoides aperire ) Hieron. Fabricius Part. 1. c. 94. p. 358. 363. ut multorum aliorum testimonium mentioni injiciendæ supersedeamus: utut vero *aliquando* hæmorrhoidalis fluxus illa pathemata avertit, quæ a Mensium *suppressione* alioquin oriuntur, tamen non raro evenit, ut per *hunc vicarium* sanguinis fluxum negotium *Menstruum* in suo *anomalico* & deflectente statu confirmetur, adeoque in insolita loca nunc transeat, in quibus perinde non modo graves *molestias* facessit, sed & aut *sponte* aut *levi* ex causa in similem *præjudiciosum* & morbo-



morbosum anomalicum statum delabatur: & quamvis in aliquibus fæminis hic symptomaticus fluxus sub reliquis connexis molestiis *aliqualem* opem afferat, tamen vicissim etiam contingit, ut in *aliis* casibus idem fluxus non modo *nihil* juvet, sed & potius *noceat*, quando videlicet illa eruptio hæmorrhoidalis cum adhibitis *calidis uterinis* & Menses revocantibus remediis, cum potentioribus alvum stimulantibus, cum diætâ valde spirituosâ & luxurioso vitæ genere, cum *clysteribus acrioribus, suppositoriis* inique stimulantibus &c. fuit provocata, aut quando eadem *tunc demum* contingit, si suppressio Menstruum *tenacius obfirmata* & diutius continuata, si *morbida* abhinc pendentia pathemata jam *nimum* accumulata & *exacerbata*, si *multa perversa* medicamina usurpata & tota morbosæ afflictionis indoles *corrupta* sunt, in quo schemate, statu & gradu mali fluxus ille hæmorrhoidalis *serius & inordinatus* eveniens, potius *hecticos, tabidos, atrophicos, hydropicos, oedematosos* affectus, aut *contracturam*; diversarum partium *ariduram & paralyticam* afflictionem post se trahit, qualis eventus satis evidenter docet, quod *symptomatiæ* Hæmorrhoides in *præsenti* casu *aliquando* etiam *perniciosæ* existant: Quandoque porro accidit, ut in aliis *suspectis* moliminibus, aut actualibus eruptionibus *hæmorrhagicis*, velut *Hæmoptycis* Hæmorrhoides *symptomatiæ* superveniant, quæ si *iusto* tempore, modo & ordine consequuntur, omnino *utiles* existunt, ut propterea iterum nonnulli Practici Hæmorrhoidum apertionem in Hæmoptysi, utpote Medicinam, commendare haud vereantur velut aliquoties citatus *Fortis Consult. ac. respons. med. Tom. I. Cent. 2. cas. 28. p. 159. & Tom. II. Cent. 2. cas. 4. p. 166-168.* hinc vicissim aliquando Hæmorrhoidum suppressio *Hæmoptysin* causari solet, referentibus *Amato Lusitano. Cent. 2. cur. 13. & Cent. 5. cur. 3. & Actis Berolin. Decad. I. Vol. 4. p. 50. Frommanno probl. 48. p. 204, 205. & Part. II. probl. 3.*



*probl. 3. p. 224.* quando vero vicissim negotium hæmorrhoidale cum Hæmoptysi huiusque moliminibus *nullum* plane *nexum* servat, tunc *symptomaticæ* in *hæmoptycis* subjectis Hæmorrhoides majorem *anomaliam* afferunt, siquidem de *confusis* naturæ refugiis evidens testimonium perhibent, ut *aliæ* functiones, *vita* ac *sanitati* proficuae, in *abdominis* organis per hæc molimina hæmorrhoidalia graviter *turbentur*, insuperque totum corpus tanto facilius morti subjiciatur: quod si porro priora illa hæmoptyica schemata *inveterata*, aut plane corrupta fuerint, tunc hæmorrhoidalis *tandem superveniens* fluxus, una cum ominosiori *virium* privatione *prævias* afflictiones plus *exacerbat*, irregulares *sanguinis* commotiones provocat & *hecticam* febrem invitat; *retardati* enim tales motus hæmorrhoidales *ultimis* naturæ *asylis* annumerari merentur, quando præcedens affectus in tantam degeneravit *ataxiam*, ut cum *incongruo* & *immoderato* processu *hæmorrhagico* præter necessitatem & subjecti conformitatem hæmorrhoides nunc, ast non sine eximio præjudicio urgeantur: sicut enim alias Hæmorrhagiæ *insolita* & *vicaria* talia persequuntur *refugia*, quæ tamen ut plurimum magis *præjudiciosa*, si non sæpe plane *perniciosa*, quam fructuosa sunt, ita idem iudicium de præsentis observatione practica valet: quid quod si affectus hæmoptyicus in tantam accrevit *vehementiam*, ut nunc afflictæ patientes *tabido* statu correpti lectoque diutius detenti fuerint, tunc *demum* hic sanguinis fluxus *ultimis lethali-*  
*bus* symptomatibus annumerari meretur, sub quo citius *reliquæ* vires *opprimuntur* & evanescunt, ut placida consequatur mors, qualis alias ægris & sanguine & viribus ad extremum exhaustis, familiaris esse solet.

§. V.

Quantam utilitatem *congrue* & *opportune* erumpentes & fluentes Hæmorrhoides in *Arthriticis* & *Podagricis*



*cis*, nec non *Ischiadicis* & *Nephriticis* morbis afferant, multis thematibus & occasionibus ab *Illustri D. D. Stablio* & *D. D. Præsidi*, consentiente & annuente multiplici Doctorum suffragio demonstratum fuit, adeo ut vel sola hæc observatio præcipue in *tractatu de Hæmorrhoidibus D. D. Præsidis* peculiari studio commendata proftet; hinc hæmorrhoidalis fluxus sub *peculiaribus* circumstantiis non modo a prædictis affectibus *præservat*, sed & insuper *varia* subjecta ab hisce doloribus *liberat*: haud tamen peritos & attentos medicos latet, quomodo sub *contrariis* circumstantiis in talibus affectibus *symptomatice* irruens motus & fluxus hæmorrhoidalis magis *nocivus*, quam salubris sit: id quod tanto certius evenit, quando sub hisce morbis remedia sanguinem valde *commoventia* & *intestinalia stimulantia*, nec non frequentiora *purgantia*, aut *aloetica* adhibita fuere: inde enim contingit, ut non modo *spasmodicæ* commotiones in *primas regiones* invitentur, sed & *sanguineæ congestiones* cum consequente *irregulari sanguinis eruptione* superveniant, quæ *ataxia* & *dyscrasia* prædictis affectibus valde *inimica* est: ex hoc phænomeno etiam contrasentientes, illi in solida ratione & experientia fundatæ sententiæ, quod *prædicti* affectus cum *hæmorrhoidali* negotio non exiguum habeant *nexum*, morose & acriter *obloquuntur* & *renituntur*: ubi distinctio *temporum* ipsius asserti *convenientiam* ac tenorem facile confirmabit: Unde ex ipsa Historia Practicâ affatim constat, quod Hæmorrhoides in talibus affectibus vel *serius* recurrentes, vel tardius *erumpentes* majus afferant *præjudiciū*, unde illi morbi magis *intricati*, tenaces & cum fonticis interiorum viscerum morbosæ commotionibus *complicati* redduntur, quin tandem *contracturæ*, *ariduræ*, *paralytodes* affectiones, imo *hydro-picæ*, *cachecticæ*, *hecticæ* consecutiones & pro ætatis convenientia *marasmus* aliaque *confusa* gravium morborum



excipiunt schemata, ex quorum consecutione facile judicare licet, quod in hisce morborum speciminibus symptomaticus Hæmorrhoidum fluxus aliquando proximius *perniciosa* efficaciam habeat: quid quod interdum idem fluxus, *inopportune* succedens, prædictos morbos reddit *insolentiores*, gradu vehementiores, bonis auxiliis magis *renitentes* & refractarios, subinde etiam frequentiores tales *recursus* invitat, & vel *ad fixam* & contumacem indolem illos disponit, qua unam alteramve partem affligunt, vel plane fugaces & vagos illos reddit; & tantum plane efficit, ut *periculosiores* morborum *complicationes* irruant: Hæ observationes, sicut tantum suis titulis indicatæ sunt, ita attentis Medicis quoad specialem applicationem & illustrationem incognitæ esse haud possunt, quare ob amplitudinem præsentis thematicis, ipsa fundamenta allegasse suffecerit: Cum *Ictero* Hæmorrhoides nullam videntur habere cognationem, interim casus in praxi medica occurrunt, in quibus hic sanguinis fluxus in hoc affectu & *fructuosus* & *pernicius* esse probari potest: ita *Bartholinus in Act. Hassn. Vol. 2. p. 138.* Hæmorrhoides *icterum solvantes* allegat: quod enim à moliminibus hæmorrhoidalibus *imperfecte* succedentibus & cum *congestoriis* motibus ad hepar *retrocedentibus* icterus provocari queat & per rationem & observationem demonstrari potest: quod porro fluxus hæmorrhoidalis *tempestive* in tali affectu *recurrens* hepar *eximie ventilare* & debitam *bilis* secretionem & promotionem ad intestina adjuvare queat, perinde probatu facile est; sicut vero non *omnis* icterus a prædicta causa *oritur*, neque cum eadem aliqualem *affinitatem* habet, ita nihilominus *constricto* hepate, indeque pendente hoc morbo *regurgitatio* sanguinis *symptomatica*, uti in alias *venæ portæ* propagines, ita in *hæmorrhoidalem* ramum contingere potest ac solet, unde *confuso* modo Hæmorrhoides



rhoides erumpunt, cum *primarii* affectus eximio *præjudicio* continuant, quid quod sæpe concurrente reliquo, ictericis patientibus familiari sanguinis *orgasmo* & coincidentibus *particularibus* & *irregularibus* symptomaticis congestionibus, *excessive* & majori damno effluunt: quando proinde icterus *diu* duravit, *vires* insuper valde sunt prostratæ, magna hepatis *obstipatio* increbuit, varia *confusa* pathemata concurrerunt, insuperque totum morbi schema ad *eximium* periculi statum devenit; imo jam *hecticodeus* affectus priori calamitoso & exacerbato morbi gradui supervenit, tunc tandem Hæmorrhoides *supervenientes* proxime instantem *lethalem* eventum communiter indicant, siquidem sub tali sanguinis profusione *vires exiguæ* residuæ *repente* concidunt & sub singulari totius affectus immutatione in eminentius *deteriorem* statum, vitæ finis acceleratur.

§. VI.

Hæc observatio, quæ Hæmorrhoides symptomaticas & perniciosas indicat, præter prædicta specimina adhuc varia alia complectitur, quibus recensendis porro operam dare lubet: In affectibus *Calculosis*, præcipue in *Renum calculo* interdum Hæmorrhoides, *symptomatice* licet, tamen non sine *emolumento* succedere solent, siquidem calculosus talis affectus non exiguam *affinitatem* cum hæmorrhoidali negotio habere solet, id quod multoties a *Celeb. D. D. Stahl* & *D. D. Præside* demonstratum fuit: sicut vero *opportuna* Hæmorrhoidum apertio prædicto affectui *opem* aliquam promittit & affert, contra vero legitimarum hæmorrhoidum *suppressio* nephriticos, calculosos affectus *excitare* & provocatos graviter *exacerbare* potest ac solet, ita tamen non desunt testimonia, quibus *præjudiciosus* Hæmorrhoidum fluxus *symptomaticus* in calculo renali confirmari potest: at enim vero quando sub ipso *insolentiori* & indolentiori paroxysmo

calcu-



calculoso Hæmorrhoides aut *confuse* & *difficulter* per-  
 rumpunt, aut *excessive* procedunt, aut *defective* succe-  
 dunt, tunc affectus calculosus tanto magis *pervertitur*,  
 exacerbatur, aut in *corruptum* plane statum conjicitur:  
*tales* enim motuum hæmorrhoidalium qualitates invi-  
 tant *colicam nephritico-hæmorrhoidalem*, suspectas *conge-*  
*stiones* sanguineas in abdomine, *perverfos motus* sangui-  
 nis, *internos ardores*, commotiones irregulares *febriles*,  
 affectus pedum *oedematosos*, aut *phlegmonoideos*, concur-  
 rentes *ominosas flatulentias*, *ischuriam*, *dysuriam*, ardo-  
 rem urinæ aliaque *intricata diureseos* vitia, *angustias*, ex-  
 tremorum suspectum *rigorem*, cordis palpitationes, graves  
 perturbationes *alvinæ* excretionis aliaque *fontica* pathe-  
 mata, sicut *anomalie* hæmorrhoidales symptomaticæ in  
*calculosis* affectibus admodum *frequentes* sunt: quid quod  
 plane evenit, ut *incongrua* hæmorrhoidalis purgatio, *ta-*  
*bem*, *hecticam*, *marasum* senilem & interdum *paralytoi-*  
*deos* affectus invitet: In *Vesicæ* calculo *adultiorum* præci-  
 pue subjectorum quandoque Hæmorrhoides symptoma-  
 ticæ *congrue* erumpentes & fluentes prævium principa-  
 lem morbum admodum *mitigant*: at *confuse* irruentes  
 & decurrentes eundem potius *exacerbant*: in *junioribus*  
 vero omnibus iisque sanguine *plenis*, vehementia *dolo-*  
*rum* graves *congestiones* sanguinis ad *affecta* loca horumque  
 confinia provocat; inde iterum interdum sub concursu *co-*  
*licorum* dolorum, *tenesmi* molesti, & *ardentium* sensatio-  
 num in intestino recto & connexo ano hæmorrhoides  
*irregulari* plane modo eructant, quæ vero *præsens* mor-  
 bi schema tanto magis *exasperant* & corrumpunt, quales  
 hæmorrhoidales processus sub tali rerum statu facile  
 & evidenter *perniciem* suam produnt, dum præce-  
 dentes *spasmi insolentiores* & contumaciores evadunt,  
 dum porro graves *perturbationes* alvinæ & urinæ excre-  
 tionis alternant, dum aliquando *convulsivi* motus conse-  
 quuntur,



quuntur, dum interdum *anomalæ* & valde suspectæ *febriles* commotiones superveniunt, dum *tabes* & *hectica* nonnunquam huic tragoediæ *lethalem* finem imponunt, dum antea concurrentes *grandulosarum* partium *obstructiones* coincidunt, dum etiam pro convenientia *ætatis* & *temperamenti* præmaturus *hydropicus*, *hydropico-hecticus* & *atrophicus* status exinde oritur: & tanta lerna & caterva morborum cohæret cum *illegitimis* & *incongruis* hæmorrhoidalibus *moribus* & *fluxibus* symptomaticis in prædictis calculosis morborum schematibus: Quodsi etiam quædam subjecta ex *hereditate* motibus hæmorrhoidalibus prædita fuerint, qualis casus minime infrequens est, tunc in aliis morbis, in quos eadem incidunt, qui cum hæmorrhoidali negotio non consentiunt, attamen vel aliam singularem sanguinis commotionem complectuntur, vel in abdominis visceribus *sedem* suam tenent, facile symptomatica illa molimina hæmorrhoidalia cum gravi reliquorum affectuum præjudicio & per morborum complicationem majori exacerbatione coincidunt; inde sæpe primarii affectus negligentius a natura æstimati & tractati, implicationes illas hæmorrhoidales ægerrime perferunt, per quas motus nunc in hoc statu plus confunduntur, materia morbi firminus increbescit & cum multis pravis qualitatibus augescit & ita facile Hæmorrhoidum illarum symptomaticarum perniciofa indoles inclarescit; Sic de famigerato Cordis Polypo porro constat, quod interdum ab oppressis motibus & evacuationibus hæmorrhoidalibus ortum trahant, id quod fusius D. D. Præses in disp. de Polypo Cordis demonstravit, unde tempestivus Hæmorrhoidum recursus, illud perniciosum concrementum valde enervat, infringit & coercet; si vero jam tale malum in magnos valde gradus accrevit, tunc serius erumpentes symptomaticæ Hæmorrhoides, magis vires enervant, turbulentas sanguinis commotiones alliciunt, irregularia nova

pathe-



pathemata in abdomine excitant, *alvi* excretionem & *diuresin* quoad legitimum suum successum perquam alterant & tot subinde modis Polypo illi tam eximium afferunt præjudicium, unde symptomaticus ille sanguinis fluxus minime pro salutari declarari potest.

§. VII.

In *Capitis doloribus* Hæmorrhoides *rite* evenientes, multorum medicorum suffragio adspirante, laudabilem afferunt *utilitatem*, imprimis quando illi cum negotio hoc hæmorrhoidali *aliqualem nexum* habent, quare *Sal-muthus Cent. 1. obs. 73.* de talibus doloribus, ex obstructis hæmorrhoidibus ortis, testatur, quod eosdem hæmorrhoidum grumofus fluxus curaverit: ast quando tales Cephalalgia, jam in *Cephaleam* aut *chronicum & habitua-lem* degenerarunt statum, tunc hæmorrhoidalis fluxus non modo *nihil* juvaminis, sed & in *sensibilibus* & in varias animi ac corporis *anomalias* inclinantibus subjectis plus *damni* affert, præcipue si *primarius* ille capitis affectus cum *hæmorrhoidali* negotio vel *parum* vel *nihil* commercii tenuit: ex hoc enim *incongruo* fluxu evenit, ut caput magis *debilitetur*, temulenta gravitas & imbecillitas invitetur, *sensuum* internorum *residuus* vigor *enervetur*, reliquarum *virium* gradus admodum destruat, *alia* symptomata cum *incongruo* hæmorrhoidali negotio conspirantia *alliciantur* & major *anomaliam* provocetur. Cum *Epilepsia* aliisque *convulsivis* motibus negotium hæmorrhoidale *nihil* commercii habere *videtur*, interim ex *indole* Hæmorrhoidum innotescit, quod sub *turbato*, impedito & *anomalo* harum successu pro convenientia *subjectorum & circumstantiarum* non modo *spasmodici*, sed & *convulsivi* motus concurrere possint, imo etiam soleant, testimonio *Colicæ hæmorrhoidalis*, quæ communi sua indole enormiter *spasmodica*, sed interdum plane *convulsiva* redditur: quare authores medici Epilepsiæ ex *hypo-*  

*cho-*



*hypochondriis* notæ memoriam injiciunt, in qua vicissim Hæmorrhoidum *apertionem* commendant, vid. *Fortis Consult. & respons. med. Tom. I. Cent. 1. cas. 42. 45. p. 56. 59.* uti *Zac. Lusitanus Prax. admir. obs. 28.* Epilepsiam, ex *suppressis* hæmorrhoidibus ortam, *hirudinibus* curatam allegat: præterquam *Rhodus Cent. 1. obs. 65.* Hæmorrhoides utpote *Epilepsiæ remedium* commemorat: quando itaque in morbis *convulsivis*, cum hæmorrhoidalibus motibus *consentientibus*, opportune & *tempestive* Hæmorrhoides fluunt & continuant, tunc *salutarem* hæc omnino usum promittunt & afferunt: quando vero *contrariæ* circumstantiæ & qualitates occurrunt, tunc in morbis convulsivis *symptomaticus* Hæmorrhoidum fluxus *aperte perniciosus* existit, quoniam ipse in incongrua, *confusa* & intempestiva, imo indoli morbi minime conformi excretionem consistit: quando itaque *omnis* hæmorrhoidalis eruptio *sensibilem* & singularem alterationem causatur, tunc in tam enormi & *arduo* convulsivo affectu *inopportuna* Hæmorrhoidum eructatio non nisi *pessimum* effectum exferere potest; inde enim contingit, ut dirus ille morbus convulsivus in *majorem* confusionem & *corruptionem* delabatur, ut intranea viscera truculentioribus pathematibus in ominosiorum *consensum* rapiat, inde *repentini* affectus aut extreme suspectæ *paralyseos*, aut *contracturæ*, *ariduræ*, *Hæcticæ*, aut pro subjectorum ratione *hydropici* schematis &c. consequuntur, qui *perniciosa* illa symptomatica Hæmorrhoidum eruptione nituntur: Quando porro molestum & suspectum illum *Flatulentie* affectum perpendimus, quem cum *hypochondriaco* malo minime *confundendum* esse censemus, tunc in *diversis* casibus *symptomaticus* Hæmorrhoidum fluxus priori *proficiuus* esse potest & solet, quando præcipue *ille* arduus affectus cum *impedito* sanguinis progressu in *abdomine* *nexum* servat cæteroquin etiam *congruo* modo hæmorrhoides in

D

tali



tali casu succedunt: & licet Flatulentia illa sæpe perinde *symptomata* existere soleat, tamen in *quibusdam* subiectis aliquando *principem* velut morbum constituit, quem *concurrentes* symptomatica morbofa *plethora* haud difficulter *sustentare* & augmentare assolet, ut pro circumstantiarum congrua ratione *temperata* hæmorrhoidalis ventilitatio huic affectui æque in hac flatulentia specie, ac reliqua, quæ hypochondriacos, spleneticos, hepaticos, mesentericos affectus comitari solet, *fructuosa* existat: interim vicissim contrarii occurrunt casus, qui *symptomaticum* hæmorrhoidum fluxum in Flatulentia nonnulla *perniciosum* sistunt: quando enim hæc flatulentia neque cum *Hæmorrhoidibus*, neque cum *plenitudine* sanguinis & similibus connexis affectibus *consentit*, sed a cacochymia pituitosa, aut atonia viscerum, undecunque etiam orta, provenit, aut quando jam flatulentus ille affectus ab *alia* etiam causa natus, *inveteratus* est, tunc vel *incongrue* erumpentes vel *serius* invadentes Hæmorrhoides tales symptomaticæ certius *priorem* affectum *exasperant* & non modo varia *nova* pathemata suspecta in *abdominis* regionem convocant, sed & præviam viscerum *debilitatem* magis augent, adeoque *sinistram* suam effectum satis aperte probant; unde aliquoties flatulenta illa molestia *gradu* etiam *majori* increbescit, quemadmodum alias cum *regulati* & *legitimo* Hæmorrhoidum fluxu, facile *aliquales* flatulentæ sensationes concurrere solent: quod hætenus de relatione Hæmorrhoidum ad Flatulentiam dictum fuit, idem sub iusta applicatione de Hæmorrhoidum *noxa* aut utilitate in Mesenterii morbis valet, sicut *Bartholinus Cent. 6. hist. 41.* salutarem hæmorrhoidum fluxum in obstructione Mesenterii commemorat.

§. VIII.

Nonnunquam contingit, ut cum *biliosa* adeoque *acri* *Diarrhæa* symptomaticum hæmorrhoidale profluvi-



um concurrat, quando partim *acrimonia* bilis mollem ac teneram internam *intestinatorum* texturam erodit, partim quando ob acerbiores talem *stimulum* sanguis copiosius ad intestina congeritur, insuperque *vascula* sanguifera majori sanguinis copia *opplentur*, partim denique ob *aug-*  
*mentum* *intestinatorum* commotinem facilius *ostiola* illorum vasorum *percurrere* possunt æque ac solent, id quod æque in *talibus* locis obtingit, ubi hæmorrhoidalia vasa *interna & externa* intestini *recti* *texturæ* sunt inserta, unde iterum sub reliqua morbosarum causarum *complicatione* hæmorrhoidalis fluxus magis *passivus* ob simpliciores videlicet vasorum *diæresin* coincidit, qui sub *continuante* sanguinis *congestionem* ad intestina non modo *persistit*, sed & *constanter augebitur*, proinde vero cum magno ægrotorum *præjudicio* ac *perniciem* decurrit; inde enim non modo vires brevi temporis spatio valde *minuuntur*, sed & *alii anomali* processus commiscuntur, quando insuper plurima *connexa* primarum viarum organa in necessario suo officio *turbantur*, motus *alvi* excretionem *immoderatus* urgentes, ob sanguinis *confluxionem* in intestini *recti* *cavitatem* non modo in sua *vehementia* sustentantur, sed & *novis* iisque valde *anomalis* *stimulis*, velut *graviori mor-*  
*bifico* *supplemento* exacerbantur: Idem etiam sentiendum est, quando *Dysentericæ* *albæ* sub multa tandem ægrotorum *enervatione*, hæmorrhoides *symptomatico* superveniunt fluxu, quæ certius & citius cum *funesto* desinunt eventu, quando ejusmodi patientes alioquin sanguine plurimum *exhausti*, nunc *passivum* talem fluxum experiuntur, quia vel a magna viscerum *atoniam*, vel *lethali* interna partium *affectarum* *erosione* provenit, ut denique *reliquiæ* sanguinis ex hisce locis effluentes, simul minus *spei*, sed *plus* *perniciem* & *citatum funestum* exitum afferant: In *Ischuria* Hæmorrhoides *tempestive* erumpentes aut redeunt, quando cum illa *aliquam consanguinitatem* habent, mul-



tum *levaminis* promittunt, hinc sæpe citatus *Fortis Tom. I. Cent. 4. cas. 5. p. 376.* in Urinæ difficultate Hæmorrhoidum apertionem *ex hoc* etiam argumento celebrat, quoniam *venarum sedalium apertio renibus affectis magnopere prodesse solet*; quando vero prædictus affectus cum Hæmorrhoidali negotio *nullam* plane cognationem habet, aut quando Hæmorrhoides in tali affectu *serius* erumpunt & *anomalice* procedunt, tunc vicissim *symptomatico* hoc suo decursu certiore *perniciem*, quam aliqualem *opem* provocant: An in *Febris* hæmorrhoidalis fluxus quicquam *emolumenti* promittere queat, vix facile apparet, ni ex Hæmorrhoidum *oppressione* febres quædam *ortum* traxerint: hinc *Fortis tr. de Febris casu de Febre chronica p. 45.* Hæmorrhoidum *reserationem* in febre continua, ex hæmorrhoidum *suppressione* nata, commendat: idem author hanc Hæmorrhoidum *revocationem* in *quartana* laudat, quando hæc ab Hæmorrhoidum *repressionem* originem duxit *loc. cit. cas. de quartana legitima p. 55.* talem quartanæ *ortum* ab *Hæmorrhoidibus* impeditis probat *Solenander Consil. 20. Sect. 4. p. 373.* ad finem, sub qua febre *patiens serius* & frustra tentata hæmorrhoidum *restitutione* a natura, occubuit: hinc *Sennertus Prax. lib. 3.* ubi de *intermittentibus* agit febribus suo confirmat testimonio, quod aliquando tales febres Hæmorrhoidum fluxu *solvantur*: inde etiam observatores occasionem nacti sunt de *crisi* febrili per *Hæmorrhoides* differere: ast quamvis *salubritas* symptomatici fluxus hæmorrhoidalis in *Febris* *varioribus* exemplis probari queat, tamen non desunt *alia* etiam suffragia, quibus *perniciosus* hic fluxus *symptomaticus* in *Febris* annotari potest: quare *Frommannus de Hæmorrhoidibus Part. 1. probl. 5. p. 19.* dicit: nos *distinguiamus* inter fluxum *symptomaticum* & *criticum*: *illum* excretionibus præter naturam annumerandum esse dicimus *ratione temporis*, si mox in acutorum morborum principio,



pio, nullis præcedentibus signis concoctionis proveniat, tum ratione materiae vitiosæ, sine decumbentis levamine promanantis: quod si itaque evenerit, ut in febribus acutis inconsveto plane modo Hæmorrhoides eructent, perniciosum omnino est: si in febribus continuis præter necessitatem Hæmorrhoides obtingant, malum est: si in febribus acutis circa illa tempora, quibus plane aliæ evacuationes, febris indoli magis congruæ, succedere deberent, hæmorrhoides erumpant, nocivum est: si in continuis Hæmorrhoides ex nuda consuetudine, adeoque hoc tempore inopportune & præter necessitatem fluant, perniciosum est: si porro in continuis aut initiantibus anomalice erumpant Hæmorrhoides, aut exeuntibus illis tandem effluant, ubique aut perniciosum aut præjudiciosum est, & præter suspectam morbi confusionem, & virium prostrationem aliquando ominosam lentam febrem, & tumores œdematosos cum corrupta morbi metamorphosi post se trahunt: si vero in intermittentibus hic fluxus extra omnem nexum & opportunum tempus evenerit, tunc potius febrem illam aut continuaciorem reddit, aut lentam febrem pedissequam invitat, siquidem per hunc fluxum, ejusque prædictam qualitatem partes affectæ magis enervantur, aut alia incongrua motuum schemata excitantur: Et ita placuit concinna manu ductione demonstrare, quod omnino symptomaticus Hæmorrhoidum fluxus in Febribus perniciosus esse soleat: quæ consideratio variis observationibus illustrari posset; quem laborem vero peritis medicis, horumque calculo, ac suffragio relinquimus.

§. IX.

Varia hæctenus specimina perniciosarum Hæmorrhoidum symptomaticarum tradidimus, sed illis exemplis tantum the-matis nostri veritatem probare voluimus, interim adhuc pauca illorum, brevi tamen commendatione, addere lubet: Et ita Hæmorrhoides salutares, quando sup-



*primuntur*, varios arduos post se trahunt *morbos*, qui *bre-*  
*vi* temporis spatio ad *eximios* adscendunt gradus; hæc  
suppressio quando *diutius* duravit, insuperque morbi,  
qui *consecuti* fuerant, in *refractoriam* tandem degenera-  
runt indolem, tantam faciem afflictionis causatur, ut *se-*  
*rius* tandem erumpens Hæmorrhoidum fluxus, qui ut-  
plurimum cum magnis *complicatus* est *anomalis*, non mo-  
do *nil levaminis* conciliet, sed & *gravia damna* inferat,  
qualem parallelum casum *Rolfincius Dissert. anatom. Lib. 5.*  
*c. 20.* commemorat: exinde liquet, quod *symptomaticus*  
Hæmorrhoidum fluxus etiam in *illis* affectibus aliquoties,  
utpote *perniciosus*, observetur, qui a *perturbatis* Hæmor-  
rhoidibus ortum traxerunt, quando videlicet ille *recursus*  
*inopportune* & *serius* obtingit: frustra itaque illi, qui *salu-*  
*britati* negotii hæmorrhoidalis *absoluta* declaratione male  
cupiunt, aut illam nonnisi infrequentem & *fortuitam* esse  
admittunt, ex ejusmodi casibus minus placidum & be-  
nignum suum judicium *confirmare* volunt; quoniam *si-*  
*nister* motuum hæmorrhoidalium successus a *reliquo* pro-  
cessu ac decursu perite & *judiciose discernendus* est: quem-  
admodum vicissim multis observationibus *salutaris* Hæ-  
morrhoidum *reditus* in prædictis affectibus demonstrari  
potest, quando ille *tempestive* & *legitime* contigit: *Qua-*  
*lescunque* porro morbi quenkum invaserunt, subinde  
etiam *diu* durarunt, si præter omnem expectationem &  
extra ullum congruum *nexum* Hæmorrhoides tandem  
*symptomatice* erumpunt, tunc communiter *perniciose*,  
nec ullo modo fructuosæ esse solent, siquidem in tali  
statu aut plane *passive* illæ elabuntur, aut *turbato* ordine  
& per modum *confusi* cujusdam *refugii* ingrediuntur &  
progrediuntur, proptereaque prædictos affectus magis  
*exacerbant*, aut in *corruptum* statum præcipitant: Idem  
etiam seorsim de Hæmorrhoidibus symptomaticis in *Hy-*  
*drope* interdum obviis sentiendum est: Quod ab Hæ-  
mor-



morrhoidum *suppressione* aut *perversa*, aut imminuta aut  
 excessiva fluxione Hydrops *ortum* trahere soleat, vix ulli  
 medicorum incognitum esse potest aut debet: quod et-  
 iam *tempestivus* Hæmorrhoidum recursus in *initiant* Hy-  
 drope, qui ab Hæmorrhoidum *anomalico* statu ortus,  
*periculosiora* diri hujus morbi accrementa *intercipiat* &  
 aliquando angvem in herba jugulet, *perinde attentis* pra-  
 cticis incognitum esse haud potest: quod vero præ-  
 terea in Hydrope *consummato*, & ubi vires jam pluri-  
 mum sunt exhaustæ, *tandem* aliquando Hæmorrhoides  
 erumpant, quæ vel *antea nunquam* fluxerunt, aut *diu*  
 substiterunt, æque in praxi medica satis superque co-  
 gnitum est: *tales* autem symptomaticæ Hæmorrhoides  
 communiter *funestis* annumerandæ sunt signis, quippe  
 quæ *brevi* consequentem mortem denotant, quemadmo-  
 dum sub illarum successu non modo *residue* vires peni-  
 tus vacillant, sed & concurrens *hecticus* status *extreme*  
 perniciosam alterationem assumit: In *Hectica* proinde  
 jam *confirmata* & *consummata*, aliquando symptomatico  
 modo Hæmorrhoides erumpunt, sive affectus prior cum  
 negotio hæmorrhoidali *cohæreat*, sive minus: quando-  
 cunque itaque Hæmorrhoides sub *acerbiori* Hecticæ gra-  
 du occurrunt, tunc communiter *perniciosæ* sunt, imò *le-  
 thale* signum constituunt, quoniam *inopportuna* hæc san-  
 guinis profusio proxime vires perexiguas depauperat,  
 adeoque *funestum* eventum accelerat; id quod tanto ci-  
 tius contingit, quo *liberalius* Hæmorrhoides fluunt: e-  
 venit etiam interdum in hoc affectu, ut cum *Diarrhæa*  
*colliquativa* hic hæmorrhoidalis fluxus *alternet*, aut coin-  
 cidat, quando a plenaria viscerum *atonia* hæc suspecta  
 sanguinis *elapsio* provenit: neque etiam *serotinus* Hæmor-  
 rhoidum fluxus & reditus *ullum* Hecticæ levamen affert,  
 quamvis antea hic affectus ab illarum *turbato* processu  
 originem traxerit: Quemadmodum enim omnis Hæmor-  
 rhagis,



rhagia, etiamsi *salutari* scopo respondeat, quando *nunc* succedit, *aliqualem alterationem* & enervationem infert, ita in *Hæctici* ægrotis præter *sensibilem* enervationem, quam hæmorrhoidalis fluxus causatur, non modo *primariæ* morbi causæ *nihil* ille adjumenti conciliat, sed potius *reliquos* necessarios motuum & effectuum vitalium successus graviter *perturbat*: Quid quod illud adhuc ab hoc Hæmorrhoidum fluxu provenit, ut, quando Hæctica nondum ad *summum* pertigit gradum, sed in *medio* ferme constituta est, tunc potius ab eodem citiora & perniciosiora *accrementa* huic Hæcticæ inde superveniunt, siquidem iterum *vires* magis enervantur, *contabescencia* increbescit, *nova* ominosa symptomata concurrunt, *ordinariæ* evacuationes plus *turbantur*, *confusæ* commotiones *congestoriæ* & *febriles* conjunguntur, aliaque specialiora *nociva* incommoda *complicantur*: quare hic symptomaticus Hæmorrhoidum fluxus prædicto modo Hæcticæ evidentem perniciem struit.

§. X.

Tandem adhuc prædictis considerationibus Practicis annumeramus illum casum, quando in *Gravidis* symptomata talia *molimina* & *profluvia* hæmorrhoidalia occurrunt, quæ in subjectis valde *plethoricis* & *calidioris* temperamenti *justo* suo processu *haud* levem opem promittunt & afferunt, sicut in *A. N. C.* historia commemoratur de gravida quæ Hæmorrhoidibus & Mensibus laboravit. *dec. 1. an. 6. obs. 63.* quare *Walæus* in *Meth. med.* annotante *Frommanno* l. c. Parte II. probl. 36. p. 430. *seq.* curatori studio *uteri* consensum cum *hæmorrhoidalibus* venis commendat, insuperque afferit, quod fieri possit, ut vasa uteri sint *obstrucla* & uterus gravidus, tunc certe ad vasorum *hæmorrhoidalium* apertionem transeundum esse judicat: proinde *Zacut. Lusitanus* in *Praxi admir.* Lib. 2. *obs. 28.* historiam allegat de Gravida ex hæmorrhoidum



dum consuetarum *suppressione* in *Epilepsiam* delapsa, sed *hirudinum* applicatione ad loca hæmorrhoidalia curata, ut feliciter pepererit: Non desunt tamen exempla, quibus *præjudiciosus* & *perniciosus hæmorrhoidalis* concursus *symptomaticus* in *Gravidis* demonstrari potest, quando videlicet tales *fœminæ nullam* proclivitatem ad *spontaneam salutarem* commotionem hæmorrhoidalem continent, sed quando potius *coactæ & passivæ irregulares* regurgitationes & *stagnationes* loca hæmorrhoidalia corripunt, unde non modo *graves dolores* conjunguntur, sed & *evacuatio alvina* valde turbatur, aliique *anomali* motus invitantur, ut *fortius* fluentibus, *hoc modo* apertis, Hæmorrhoidibus metus *Abortus* imminet, quoniam *legitimus* motus sanguinis & *eminus* alteratur & *cominus* ad valde suspectos effectus & successus proritatur, id quod facilius in *fœminis sensibilibus* & concurrentibus *gravioribus* doloribus contingit: Quando porro in *quibusvis* valde *enervatis* ægrotis, aut qui ex motuum *defectivo* vitio aliquandiu decumbunt, velut *paralyticis*, diuturnis *asthmaticis* humorosis, catarrhalibus *suffocativis*, *pareticis* morbis, *contracturis*, *ariduris*, diuturna *vertigine*, *sensuum* internorum & externorum longinquiori *debilitate*, aut *polypo cordis* chronico *serius* aut citra ullum *nexum* fluxus hæmorrhoidalis *symptomaticus erumpit*, tunc certiore hic perniciem affert, dum per exiguas virium reliquias subito consumit, adeoque mortem *accelerat*, quemadmodum etiam observare licuit, quod *post mortem* adhuc aliquando *Hæmorrhoides* fluere continuant, hocque ipso effectu *passivum* suum statum exprimant & significant: imo in *quibusdam* talibus ægris accidit, ut pluribus ante obitum diebus *suspectæ* tales Hæmorrhoides compareant, quæ deinde *usque ad obitum* continuant, siquidem *nullæ* amplius vires ad illarum *retentionem*, sed potius *eximii atoniæ* mortiferæ gradus adsunt: de omni-

E noso



*noſo hæmorroidali fluxu ſub infectione venerea* teſtimo-  
nium perhibent *Act. Berolin. Decad. I. vol. 5. p. 35.* Singu-  
lis hiſce morborum ſchematibus denique ſociamus *Ma-*  
*rasmus*, undecunque ille originem traxit, in quo jam  
*confirmato* Hæmorroides *ſymptomaticæ* effluentes non  
modo in ipſo toto proceſſu, aut *modo*, ſed & *motu*, *men-*  
*ſura* &c. peccant: quemadmodum etiam in hoc affectu  
vel *mitius* emicantes illæ Hæmorroides plus *metus*, mi-  
nus vero ſpei continent; ſiquidem cum tali *inſolita* & ad  
indolem morbi *nihil* conferente mutatione totius *reliqui*  
morbi ſtatus *deterioratur*, maxime vero *vires* magis ex-  
hauriuntur & confuſus *hecticus* concuſus invitatur, ac-  
celeratur aut exacerbatur, ut ſub hoc ſymptomate ani-  
mam emittant: Et in hac *Historica* præſentis thematis ex-  
plicatione nunc acquieſcimus, poſteaquam *multis teſti-*  
*moniis* probavimus, quod omnino Hæmorroides *quæ-*  
*dam* ſymptomaticæ omninoſæ & *perniciōſæ* eſſe ſoleant,  
ut propterea *nulla ratio* ſuadeat *præmiſcue* motui & fluxui  
hæmorroidali indulgere, patrocinari, nedum quidem  
alliciendo & *urgendo* operam impendere, quoniam *nul-*  
*lum* naturale auxilium *absolute* & *indiscriminatim* fructuo-  
ſum exiſtit, ſed quodvis tale ſub certa *relatione* utilita-  
tem ſuam promittit & comprobat. Quam ob rem hæc  
conſideratio *judicioſos* & *conſcientioſos* medicos valde at-  
tentos & circumſpectos reddere poteſt & debet, ne *ſalu-*  
*britas* negotii Hæmorroidalis *ultra* ſuam ſphæram ex-  
tendatur; id quod hætenus allegata ſpecimina ſufficien-  
ter probant.

#### §. XI.

Brevibus adhuc in *historica* præſentis thematis ex-  
plicatione annotabimus, qualia *ſpecialia ſigna anteceden-*  
*tia*, *concomitantia* & *conſequentia* ejusmodi *perniciōſæ* Hæ-  
morroides *ſymptomaticæ* complectantur: *antequam* ita-  
que tales omninoſæ erumpant Hæmorroides, ægrotan-  
tes



tes interdum insolitam ebullitionem sanguinis persenti-  
 scunt, concurrunt graviores functionum *vitalium, natu-  
 ralium & animalium alterationes*, ut plurimum etiam im-  
 minutiones, nec non virium evidentiores prostrationes,  
 insolitæ *sensationes* in abdominis regione, *alvi* præcipue  
 ac *urinae* suspectæ mutationes, *stillicidia* Urinæ, aut *invo-  
 luntariæ* mictiones, si non nonnunquam suspectæ urinæ  
*retentiones*, inconsuetæ *angustationes* præcordiales, *extre-  
 morum* refrigerationes, abdominis *intumescentiæ*, inusita-  
 tæ *flatulentie*, aut interdum sensatio interni suspecti *ar-  
 doris*, cum ominosa *siticulositate* concurrente: coincidunt  
 gravativæ præssiones in *intestino recto & coxendicum* regio-  
 ne, quandoque *femorum & surarum* insolitæ dolorosæ af-  
 flictiones, aut perceptiones *frigide* ac *ponderosæ* gravita-  
 tis, die Füße dünken ihnen so kalt und schwer zu seyn, quæ  
 pathemata plurima cum fluxu hæmorrhoidali *continuant*,  
 sed subinde vel augescunt, vel inseparabilem & *extreme*  
 suspectam virium iacturam in consensum ducunt, hinc  
 reliquæ corporis regiones *obrigescunt*, *frigescent* & im-  
 pallescunt; inde *contabescencia* subito magis conspicua  
 evadit, perturbantur *oculi*, *manus* concipiunt suspectas  
 rimas & foveolas intra metacarpi regionem, *digiti acumi-  
 nantur*, *ungues livefcunt*, *oculi concidunt* intra suas orbi-  
 tas, *tempora* collabuntur, *nares & mentum acuminantur*  
 & facies *Hippocraticæ* similis redditur, *cor* debilius, levi-  
 us, mollius, tardius & inæqualius pulsât & sub tali valde  
 suspecto rerum statu brevi patientes *expirant*, quando  
 vero hunc ominosum fluxum *perdurant*, hicque iterum  
*remittit*, tunc *extrema* virium prostratio consequitur, ex-  
 cipit *insensibilitas* in abdomine, venter valde *flaccescit* aut  
*concidit*, aut *retrahitur*, excrementa interdum *involun-  
 tarie* excidunt, ad minimum in *exitu ani* gravativa mo-  
 lestia percipitur, aut insequitur *procidentia* ani cum sum-  
 mo dolore, aut excipiunt summe suspectæ *protuberantie* in



ano & fissura, vel expirat *sensus & motus* in pedibus & femoribus, ut hæ partes jam *emori* videantur & dicantur, aut excipiunt insoliti *tumores & stagnationes* humorum in hisce partibus, aut subitanea *aridura* inferiorem corporis regionem occupat, aut etiam insolentior & turbulentior *hæticus* status consequitur, aut ægri in toto corpore quoad plurimum gradum *insensiles* deprehenduntur, aut de *extremo virium* defectu conqueruntur, aut totum corpus *plumbea* ut ajunt gravitate oppressum percipiunt, aut suspecti conatus cum imperfectis *tenesmis* conjuncti ad desidendum urgent, aut ominosa alvi *retentione* detinentur, aut extreme perniciofa *corruptio* ulcerosa vel sphacelosa in locis hæmorrhoidalibus oritur, aut alia specialissima & pro morborum discrepantia & indole variantia symptomata consequuntur; ex qua ipsa signorum *multitudine, gravitate & turbulenta* qualitate facile patescit, quantum periculum in ejusmodi hæmorrhoidalibus eruptionibus nunc hæreat & quam *sinistri* successus illa præfagia sint, quæ ex hoc fluxu *salubritatem* quandam promittunt, quo ipso judicio *indiscretam* suam quidam produnt æstimationem & cognitionem negotii hæmorrhoidalis, quando videlicet illud aut sanitatem promittit & tuetur, aut perniciem affert atque accelerat: quippe quæ consideratio jam sufficienter tam ad historicam *diagnosticam*, quam *prognosticam* hujus thematis commendationem & notitiam contribuit, quemadmodum reliquas meditationes & observationes, huc pertinentes, attentis & exercitatis ingeniis committimus, probe gnari, quod variæ *specialiores* annotationes cum præsentis deductione combinari possent.

§. XII.

Ast paucis porro fundamenta *causalis* sive rationalis & *Pathologicæ* disquisitionis, ad hoc thema spectantia, indicabimus: *Triplici* itaque modo Hæmorrhoides cum



evidenti *sanitatis præjudicio* & symptomatice quidem e-  
rumpere possunt ac solent: *primo* quando *Natura* ipsa ita  
dirigente in arduis quibusdam morbis motus hæmorrhoi-  
dales velut *incongruum* & *inopportuno* refugium susci-  
piuntur & continuantur: *deinde* quando *citra scopum præ-*  
*fixum* & destinatum ad fluxum hæmorrhoidalem, adeo-  
que *extra omnem nexum* aliæ *immoderate* congestiones  
sanguineæ ad *confinia* locorum hæmorrhoidalium diri-  
guntur & *immoderato* gradu urgentur: *denique* quando  
ob eminentem partium *atoniam* hæc hæmorrhoidalis e-  
lapsio & effusio contingit: qui *ultimus* modus motuum  
vitalium *defectu* nititur, quando *priores irregularem* mo-  
tum vitalium successum complectuntur: Quod itaque  
*Primum* modum attinet, tunc *duplex* iterum considera-  
tio annotanda erit, in quantum hæmorrhoidalis fluxus cum  
*presentibus* morbis evidentem quendam *nexum* habet, aut  
in quantum cum iisdem plane *non coheret*: etenim quan-  
do morbi quidam a *difficili* successu necessariæ & *salutaris*  
purgationis hæmorrhoidalis aut a plenaria ejusdem *suppres-*  
*sione* vel *imminutione* vel *inordinato* successu oriuntur, tunc  
*tempestiva* Hæmorrhoidum *restitutio* sæpe salubritatem su-  
am confirmat, quando vero illi morbi jam *confirmati*,  
consummati, depravati, in *pertinacem* habitum conversi,  
cum aliis *suspectis* morboſis pathematibus *complicati*, aut  
qualicunque modo *corrupti* sunt, tunc *serius* natura Hæ-  
morrhoides effundens, non modo *presentem* morborum  
gradum *haud* levat, sed & *presentes* *anomalos* motus ma-  
gis *turbat*, *nova* cum hæmorrhoidali negotio conveni-  
entia *pathemata complicat* adeoque *inopportuno* hoc actu &  
ausu affectus *pathemata complicat* adeoque *inopportuno* hoc  
actu & ausu affectus *presentes exasperat*: quare in tali statu  
Hæmorrhoides aut *ægrius* succedunt, aut *immoderatus*  
continuant, aut *anomalis* motibus decurrunt & tot *præju-*  
*diciosis* qualitatibus, *prævios* & *obvios* morbos certius *dete-*



*riorant*: neque in tali casu *abundantis* forte sanguinis depletio *tanti* est æstimanda, quoniam *reliquæ complica-*  
*tæ* morbosæ affectiones & vitiosæ commotiones *huic* al-  
 terationi haud *obtemperant*: tanto majorem attentio-  
 nem hæc pathologica meditatio meretur, quando in  
 quibusdam morbis *intricata & inveterata motuum* vitia  
 præsto sunt, quæ, licet primum a *turbatis* Hæmorrhoi-  
 dum motibus ortum traxerint, & *tempestivo* illarum re-  
 ditu, antequam in talem ominosam qualitatem delapsæ  
 fuere, *mitigari* potuerint, imo etiam satis sæpe *mitigatæ*  
*fuertint*, tamen *serotino* huic recurſui *minime* obtempe-  
 rant, sed hujus occasione *immoderatiores & insolentio-*  
*res* evadunt: qualis *parallelismus* æque in *moralibus* ne-  
 gotiis attentis animis facile inclarescit; unde patescit  
 quid *opportuna* subsidia emolumentis, *inopportuna* vero  
 detrimenti afferant; siquidem omnia auxilia *congruo* da-  
 ta tempore juvant: cûr vero *serius* aliquando demum na-  
 tura Hæmorrhoides *instituat* aut *restituât*, variæ nomina-  
 ri possunt *remotiores* causæ, interîm hoc loco *illam* tan-  
 tum pensitationi commendare placet, quomodo quasi  
*vi & audentiori* motuum augmento hæc eruptio urgea-  
 tur, quæ *antehac* mitiori & *placabili* motuum gradu,  
 sub varia alia morbosorum pathematum distractione ob-  
 servata & tractata fuerat, quæ *immoderata* augmenta præ-  
 vio *intricato* morbi statu non nisi eximie *præjudiciosa* esse  
 & evadere possunt: Interdum etiam contingit, ut in val-  
 de *arduis* quorundam morborum circumstantiis & affli-  
 ctionibus, natura humana variis moliminibus & succes-  
 sibus excretoriis *refugia* quærat, & velut ad *incitas* reda-  
 cta *huc illuc* confugiat, adeoque interdum diversis *Hæ-*  
*morrhagiarum* speciebus urgenti præſenti calamitati con-  
 sulere nitatur: neque quidem huic dogmati illi stoma-  
 chari debent, qui nihil rectum esse putant, nisi quod  
 ipsorum moribus & doctrinis nude physicis, chymicis,  
 mecha-



mechanicis, humoristicis &c. convenire videtur & citra ullam rationem, alias sobrias demonstrationes ex nuda vana authoritatis larva, quasi ex tripode, steriles, erroneas & inutiles diffamant, denigrant & ogganiunt: siquidem hæc communis animæ humanæ est indoles, ut in *magnis angustiis quaquaversum* opem inquirat, siue jam ausus & conatus *magis aut minus, generice aut specificè* convenient, siue plane *nullum nexum* cum priori calamitate habere videantur: interea sub *prædictis* iterum qualitatibus commotæ & continuatæ Hæmorrhoides rarissime *fortuitam* velut salubritatem afferre possunt, sed *ut plurimum certam & evidentem perniciem* causari solent, dum in *reliquarum* humanarum actionum serie, *vagabundi, desperati, inordinati & immoderati* ausus per se nunquam *salutarem* decursum promittunt.

### §. XIII.

Considerationem porro *alter respectus Pathologicus* meretur, quando in *nonnullis* affectibus a præcedentibus *congestoriis* commotionibus in *viciniam* hæmorrhoidali-um locorum directis, minime vero cum *legitimo* Hæmorrhoidum negotio *coherentibus*, eruptiones illæ hæmorrhoidales proveniunt: hic respectus iterum *duplici* modo commendandus est, quando videlicet ob *alias* plane causas, velut ob præsentem *calculum* renalem, aut vesicæ urinariæ, vel ob *diarrhæam, vermes, biliosam acrem saburram* in intestinis &c. ejusmodi *congestiones* cum *immoderato* gradu suscipiuntur, insuperque fibræ valde stringuntur & *tensione* valida afficiuntur, tunc aliquando ob *vasorum* sanguiferorum & partium *nexum* sanguis *copiosius* ad hæmorrhoidalia confluit vasa, quæ nunc *oppleta & tumefacta* superveniente *colica* intestino-rum strictura *dilacerantur*, unde sanguis *ex accidenti* effluit & *primarios* scopos in morbis aliquibus, interdum cum Hæmorrhoidibus *directe* non consentientibus, ma-  
gis



gis suo fluxu *inutili*, *inopportuno*, minus necessario & *inordinato turbat*, quid quod *nova* motuum schemata aut novas naturæ *seductiones* provocat sub quibus *principales* morbi *minus* regulariter diriguntur adeoque *incongruæ* finium *complicationes* convocantur & in eminens sanitatis *damnum* instituuntur: Deinde, quod *alterum* est, hæ congestiones in *confiniis* regionum hæmorrhoidalium arduam sanguinis *stagnationem* causari possunt & solent, aut si quædam partes cum motu sanguinis hæmorrhoidali *refluo consentientes* constringuntur, tunc *re-stagnat* aut regurgitat sanguis, modo plane *hydraulico* ad & *intra* loca hæmorrhoidalia; inde vero oboriens major, *inturgescentia* vasorum sanguiferorum perinde ad aperturam illorum *accidentalem* aut symptomaticam contribuere assolet, quæ licet *præsentem* quidem stagnationem ventilet & *evacuet*, tamen ad firmiorem, *pertinaciorē* & magis præjudiciosam *spasmodicam* aliarum partium stricturam disponit, sicque præcedens morbi schema valde *corruptum* reddit: proinde *fortuitæ* tales & sub tam *anomalis* motibus evenientes sanguinis *eruptiones* raro fructuosæ, *usitatus* tamen perniciosæ existunt, dum *præternaturæ* scopum, intentionem & usum plane *novam* faciem præsentī morbo induunt, siquidem ad Cratonis monitum in *Cons. med. p. 510. n. 4. seq.* Hæmorrhoidum apertio *non nisi* in illis morbis convenit, qui cum hæmorrhoidali negotio *cohærent*: quantæ enim inde *alterationes* oriantur, quæ negotia *naturæ* in morbis concernunt, quæ motus semel *anomalos* magis *corrumpunt*, quæ *primariam* morbi causam valde offendunt, quæ motum fluidorum & solidorum *turbant*, quæ *organorum* functiones magis pervertunt &c. facile demonstrari posset, ni exercitatorum ingeniorum peculiari & propriæ meditationi quædam sint relinquenda. *Tertius* denique respectus æque attentam meretur annotationem, quando ob

præ-



præsentem *Atoniam* Hæmorrhoides symptomatice erumpunt; hæc Atonia ex una parte *generalis* esse potest, ex altera vero *specialis*: Priorem quod attinet, tunc in morbis, qui vel ratione *originis*, *aliquam*, vel plane *nullam* connexionem cum hæmorrhoidali negotio habent, *inveteratis* & consummatis, in quibus *plurimæ* nunc vires sunt exhaustæ, evenit, ut *relaxato* intestinorum tono (ob quem ob *extremam* virium jacturam non raro *scybala involuntario* elabuntur) sanguis *vasa* sanguifera, per *intestinorum* texturam perreptantia, *ægrius ingrediatur* & per illa difficilius & *tardius progrediatur*, siquidem alias *refluo* suo motu, adeoque *ascendendo*, tanto magis in Venæ Portæ systemate *operosius* & *impeditius* progredi solet, quamobrem tandem *fibrarum laxitate* & mollitie concurrente sanguis aut in *locis* hæmorrhoidalibus *stagnans*, aut *ægrius procedens*, *eructat* & *passiva* ratione *elabitur*, quia vis ita dicta fibrarum *motrix*, illius *legitimum* progressum adjuvare *haud* potest: *Specialiori* vero modo contingit, ut *obstructa* abdominis viscera, quæ quoad *progressivum* sanguinis motum cum *motu* & loco hæmorrhoidali consentiunt, tam fonticam & perpetuam *redundantiam* sanguinis *intra hæc loca* hæmorrhoidalia causentur, & tandem hisce ominosa inducatur *Atonia*, qua præsentente denique sanguis, *copiosius* jam in hisce locis collectus, *eructat*, iterumque, *passivum* talem hæmorrhoidalem fluxum constituit, qui vero *confuso* modo provocatus neque prædictam viscerum obstructionem *reberat*, neque alio facile modo *relebat*, sed *confusas* motuum & pathematum *complicationes*, cum majori virium amissione, conciliat: Hos respectus placuit in *Pathologica* præsentis thematis explicatione commendare, qui tamen ultra *promissa* fundamenta non latius sunt *extendendi*, ob id reliquam *specialiorem* disquisitionem aliis relinquitur.



§. XIV.

Ex hisce facile inclarescet, quid de diverso symptomatico Hæmorrhoidum statu sentiendum sit: antequam tamen præsentem meditationem abrumpamus, paucis adhuc & pro coronide nonnullas *Præcticas* annotationes annectemus, quomodo videlicet prudens & peritus medicus cum *perniciosis* symptomaticis Hæmorrhoidibus procedere debeat: Nunquam itaque *suspectas* tales Hæmorrhoides *imminentes* commovere & *impellere* convenit: propterea omnia sanguinem valde *commoventia* aut *alvum* irritantia in tali casu omittere decet: neque tamen talem fluxum *simul* & *semel* cohibere licet, ni imminens periculum acceleretur: & licet secundum *Sylvii* monitum *Prax. Med. Lib. I. cap. 13.* & *Frommannum part. poster. problem. 3. p. 225.* symptomaticus Hæmorrhoidum fluxus non sit tolerandus, tamen *simultanea* illius repressio vehementer perniciosa est, proptereaque malum malo augere non artificis est officium: nocent etiam *communia anodyna*, quæ cum reliquo *statu* illorum *morborum*, in quibus tales Hæmorrhoides obtingunt, valde *pugnant*: excludantur remedia positive *refrigerantia*, quæ tanto magis labascentem *motum* & *sensum* vitalem offendunt: evitentur aliarum *ordinariarum* excretionum perturbationes: exulat multiplex *variatio* cum medendi *methodo* & *medicamentis*; proinde etiam *multitudo* remediorum in hoc casu officit: ominosa insuper est virium *negligentior* resectio, aut positiva illarum *enervatio*: seponantur porro remedia vias *urinarias sensibilibus* stimulantia, & subinde *hæmorrhoidales* commotiones excitantia: neque sub tali tragoedia *experimentis* dubiis locus patet: omnia *concentrata*, *spirituosa*, valde *Salina*, *Sulphurata*, *acria*, *resinosa*, subtiliora sub quocunque titulo in hac afflictione locum haud inveniunt, quid quod *curatorie* sanguinis subtractiones utplurimum *sinistrum* sortiuntur effectum:

Qua-



Quapropter *positive* præsente aut imminente suspecto tali fluxu hæmorrhoidali confert temperata *antispasmodica* ordinare, secura & lenia papaveracea, cinnabarina, Nitrofa, Spirit. Nitr. dulc. oleum vitrioli dulc. extract. flor. chamomill. offic. parcissima quantitas extracti castorei liquidi, providus Croci orient. usus, lumbric. terrestr. hyacinth. præp. spec. de hyacinth. confect. de hyacinth. julepus gemmatus: huc porro pertinent teneriora *Absorbentia* & secura *tonica* Lap. 69. citrat. Magister. Corallior. M. P. C. C. ust. succin. alb. ppt. Mastix, Ceruss. antimon. bolus albus, Tinct. corall. cum Ess. succin. & Spirit. Nitr. dulc. mixta. Ess. Mastich. Succin. flor. chamomill. Chaccarill. Tinct. corall. Spirit. Nitr. dulc. aut temperata Tinctura Martis cum prædictis Essentiis congrue mixta, aut aquæ destillatæ cordiales & tonicæ cum ejusmodi Essentiis sociatæ: præcipue vero conferantur *Lenientia* interna, gelatinosa, lacticina, emulsiva, nec non nervina cum tonicis & mitius diaphoreticis conjungenda, quo spectant aquæ flor. Sambuc. Tiliæ, acac. Ceras. nigr. primul. ver. Galeg. Scabios. C. b. Cinnamom. s. v. Millefol. Naph. lil. convall. melliss. menth. mixta cum Essent. carminativis, Tinct. tonicis, Confectione cordiali, syr. aut alio remedio antispasmodico & tantillo Spiritus volatilis. Præterea convenit Essentia dulcis cum Tinctura tonica mixta: huc spectant pilulæ ex extract. chamomill. cent. min. gent. rubr. millefol. chaccar. pulvere mastich. & succini no. vj. ne mole majori enervata viscera aggraventur: alternetur cum modica quantitate decocti herb. millefol. flor. papav. rhæad. chamomill. offic. C. C. raspat. avena excort. cort. citr. recent. &c. proinde etiam assidua & sollicita cura diætetica roborantia temperata ordinentur, lacticina, pulpamenta amygdalata, gelatinæ lenissime acidulatæ, ova forbilia, oryza, decocta gallinacea modice aromatizata & similia; reliquus præterea rerum succes-

F 2

sus



sus & eventus Deo committatur: Quod denique *reli-*  
*quas symptomaticas* Hæmorrhoides attinet, quæ *non sunt*  
*perniciosæ*, tunc illæ æque *prudentem & peritum* artificem  
 postulant, qui negotii hæmorrhoidalis *bene sit* gnarus, a-  
 lias facile illarum status adeo depravari potest, ut per-  
 inde perniciosum fortiantur eventum: præstat itaque il-  
 las in leni & *moderato successu* servare, omnia præjudi-  
 ciosa *obstacula* declinare, concurrentem morbum leni ac  
 placida methodo tractare, *nunquam* vero illas Hæmor-  
 rhoides *positive* aut *impellere* aut *repellere*, *excessum* tamen  
 imminentem *præservare* & congrue *refrænare*, *vires* ne-  
 cessarias conservare, *immedicas* commotiones *mitigare* &  
 tali modo salutarem illarum decursum expectare: Sed  
 suffecerint etiam hæc fundamenta, ne limites Disserta-  
 tionis transcendamus. Obsignamus itaque præsentem  
 nostrum conatum, sub devotissima divini auxilii vene-  
 ratione, pio illo voto, ut verus & unicus salutis fons  
 hunc laborem sua gratia tueatur & prosequatur, quo ex  
 præsentī meditatione multi fructus in artem Medicam  
 redundant, omnes vero perniciosæ consecutiones pro-  
 cul maneant, & in omnibus ingenuis imitationibus &  
 applicationibus ad voluntatem DEI & sincera ho-  
 minum vota saluberrimus obtineatur

F I N I S.

